

【教育部新聞稿】（閩南語版音檔）

教育部閩南語認證 112 年第 2 擺考試佇 8/5、8/6 舉辦

發布日期：112 年 4 月 7 日

發稿單位：終身教育司

承辦人：甘佩玉

電話/手機：(02)7736-6812/0920-697-756

E-mail：celinegan@mail.moe.gov.tw

新聞聯絡人：殷家婷科長

電話/手機：(02)7736-6801/0936-617-216

E-mail：iamedugirl@mail.moe.gov.tw

教育部閩南語語言能力認證考試因為報名的人是愈來愈濟，所以對 112 年開始擴大辦理。除去較早逐年固定佇 8 月辦的掠外，這馬對 112 年 3 月嘛已經閣加考 1 擺 A、B 卷的考試矣。

第 2 擺考試按算佇 8 月舉辦，考 A、B、C 三卷，A 卷佇 112 年 8 月初 5（拜六）考；B、C 卷佇 8 月初 6 日（禮拜）考，嘛是 1 个人干焦會當報 1 卷爾，時到看咱欲考佗 1 卷，報名的時陣著愛較細膩小斟酌一下。

考試報名的時間對 112 年 4 月 10 早起 9 點開始，到 5 月 12 下晡 5 點，無限定身份，凡若有興趣的人，攞會當上網報名。報名費 250 箍，19 歲以下的通優待免祛錢。考試彼工，所有測驗的項目（聽、講、讀、寫 4 項）若攞考有齊著的，就通提著 1 份紀念品；較早捌考過的這擺閣再來挑戰的，準若有才調閣加進步一級，另外猶有攢獎品等欲來相送。為著欲鼓舞老師佻學生囡仔，抑是家庭、社區、公司團體，通逐家相招歡喜來鬥熱鬧，凡若團體報名一團招有超過 20 个的，就有機會通閣提著限量的大禮。另外 8 月欲考試的簡章，已經囡佇考試網站頂懸，逐家會使家己下載。

教育部對 99 年開始辦認證考試，到今報名總人數都也有 14 萬 8,257 人起矣。就準疫情加減有影響，報名人數嘛是一下手就衝甲破萬人，逐冬都咧增加。另外，若按今年 3 月的報名資料來共看，以學生族群報名人額上濟，3 月的時，就有 7,057 人報名，其中 12 歲以下的考生有 3,882 名，占學生族群 55%。向望未來有閣較濟的少年家，逐家攞通相佻來學咱在地的本土語，予本土語會當繼續淡落去。

有關考試的資訊，已經有共刊佇認證考試的網站（<https://blgits.moe.edu.tw>），會使去「最新消息」查詢。若猶有其他考試相關的問題，才請聯絡承辦單位國立臺灣師範大學。服務專線：0800-699-566、(02)7749-3664；嘛有服務信箱：blg.sce@deps.ntnu.edu.tw。